



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-115-6/24**
Datum: **30.08.2024. godine**

«Agencija za vodno područje rijeke Save» Sarajevo rješavajući po uočenoj tehničkoj greški donosi ispravku rješenja broj: UP-1/21-1-40-115-5/24 od 24.06.2024. godine u smislu ispravke tačke 2. rješenja, na osnovu člana. 217. stav (2) Zakona o upravnom postupku («Službene novine Federacije BiH», broj 2/98, 48/99 i 61/22), donosi

ZAKLJUČAK **o ispravci greške u rješenju**

1. U dispozitivu rješenja ovog organa broj: UP-1/21-1-40-115-5/24 od 24.06.2024. godine, ispravlja se greška, tako da u tački 2. dispozitiva rješenja umjesto „Ministarstvo poljoprivrede, šumarstva i vodoprivrede Tuzlanskog kantona“, treba da stoji:
„Ministarstvo za poljoprivredu, šumarstvo i vodoprivredu Zeničko-dobojskog kantona“
2. Ovaj zaključak čini sastavni dio rješenja navedenog u tački 1. ovog zaključka i dostavlja se stranci, kojoj je dostavljeno rješenje.
3. U ostalom dijelu rješenje ostaje nepromijenjeno.

Obrazloženje

Nakon što je uočena tehnička greška u nazivu nadležnog ministarstva a koje je pogrešno navedeno u rješenju broj: UP-1/21-1-40-115-5/24 od 24.06.2024. godine, Agencija je pristupila ispravci tačke 2. rješenja.

Ostali dio teksta rješenja ostaje nepromijenjen.

U skladu s odredbama člana 217. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), ispravka greške proizvodi pravni učinak od dana od koga proizvodi pravni učinak rješenje koje se ispravlja.

Uputa o pravnom lijeku:

Protiv ovog zaključka može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Meho Čaušević, B.Sc.ing.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- HIFA-PETROL" d.o.o. Sarajevo, ul. Hotonj bb, 71000 Sarajevo
- Ⓞ AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-1-40-115-5/24**

Datum: **24.06.2024. god**

«Agencija za vodno područje rijeke Save» Sarajevo rješavajući po zahtjevu pravnog lica „HIFA-PETROL“ d.o.o. Sarajevo za donošenje Rješenja o prethodnoj vodnoj saglasnosti za izgradnju parkinga za kamione na dva nivoa, koja se planira graditi na zemljištu označenom kao k.č. br. 14/13 i 14/16 K.O. Novo selo, općina Tešanj, na osnovu člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

1. Odbija se zahtjev pravnog lica „HIFA-PETROL“ d.o.o. Sarajevo za donošenje Rješenja o prethodnoj vodnoj saglasnosti za izgradnju parkinga za kamione na dva nivoa, koja se planira graditi na zemljištu označenom kao k.č. br. 14/13 i 14/16 K.O. Novo Selo, općina Tešanj, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovoj Rješenje ne oslobađa podnosioca zahtjeva obaveze pribavljanja prethodne vodne saglasnosti za čije izdavanje je nadležno Ministarstvo poljoprivrede, vodoprivrede i šumarstva Tuzlanskog kantona, u skladu sa članom 139. stav (2) Zakona o vodama («Službene novine Federacije BiH», broj 70/06) kao i saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i sl.

Obrazloženje

Pravno lice „HIFA-PETROL“ d.o.o. Sarajevo podnijelo je ovoj Agenciji zahtjev za donošenje Rješenja o prethodnoj vodnoj saglasnosti za izgradnju parkinga za kamione na dva nivoa, koja se planira graditi na zemljištu označenom kao k.č. br. 14/13 i 14/16 K.O. Novo Selo, općina Tešanj.

U provedenom postupku dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 032-0-RegZ-24-002408 od 28.02.2024, izdat od Općinskog suda u Sarajevu;
- Ovjereni kopija uvjerenja o poreskoj registraciji izdato od strane Kantonalnog poreznog ureda Sarajevo dana 23.02.2005 godine;
- Zemljišnoknjižni izvadak broj: 039-0-NAR-24-001615 od 19.04.2024 godine, izdat od strane općinskog suda u Tešnju;
- Kopija Katastarskog plana broj: 06-26-10-8082/2023-2 od 29.12.2023. godine izdata od strane Službe za katastar, urbanizam i imovinsko-pravne poslove Općina Tešanj;
- Kopija posjedovnog lista broj: 06-26-11-236/24-1 od 12.01.2024. izdata od strane Službe katastar, urbanizam i imovinsko-pravne poslove Općina Tešanj;
- Studija za izdavanje prethodne vodne saglasnosti za izgradnju parkinga za kamione na dva nivoa, urađena od strane „IBIS“ d.o.o. Zavidovići, april 2024. godine;
- Idejni projekat izgradnja parkinga za kamione na dva nivoa, urađena od strane „ARHITEKT“ d.o.o. Zenica, novembar 2023. godine;
- Kopija Odluke o provođenju izmjena i dopuna regulacionog plana „Poslovna zona Bukva“ Tešanj, Sl. Glasnik Općine Tešanj br. 2/16;
- Kopija izvoda: Izmjene i dopune regulacionog plana „Poslovna zona Bukva“, Sl. Glasnik Općine Tešanj br. 2/16;
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je slijedeće:

- Lokacija planiranog parkinga za kamione u dva nivoa je u poslovnoj zoni Bukva, na zemljištu označenom kao k.č. br. 14/13 i 14/16 K.O. Novo Selo, općina Tešanj.
- Parking prostor je sačinjen od 19 parking mjesta dužina 18.0 m - nivo II, dok je na nivou I omogućeno 10 parking mjesta dužine 15 m.
- Pristup lokaciji je sa prilaznog puta koji je povezan na regionalnu cestu Tešanj-RP-475-Tešanj.
- U predmetnom objektu neće nastajati tehnološke otpadne vode iz procesa rada niti nastaju oborinske onečišćene vode a kako je to utvrđeno odredbama člana 3. tačka (cc) i (s) Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20, 96/20 i 1/24).
- Prema dostavljenoj studiji, predmetni kompleks nema negativnih uticaja na vodoprivrednu problematiku (uticaj na površinske i podzemne vode, odbranu od velikih voda, snabdijevanje vodom i kanalisanje voda).
- Investitor je dužan obezbijediti odvodnju predmetnog parkinga prema uslovima nadležnog komunalnog preduzeća koje upravlja kanalizacionim sistemom.
- Predmetni objekat će se snabdijevati vodom za potrebe rada hidrantske mreže putem priključka na gradski vodovodni sistem.

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20 i 1/24), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka

Meho Čaušević, B.Sc.ing.građ.

Prilog:

- Studija za izdavanje prethodne vodne saglasnosti za izgradnju parkinga za kamione na dva nivoa, urađena od strane „IBIS“ d.o.o. Zavidovići, april 2024. godine (1 primjerak),
- Idejni projekat izgradnja parkinga za kamione na dva nivoa, urađena od strane „ARHITEKT“ d.o.o. Zenica, novembar 2023. godine.



za Po ovlaštenju

Rukovodilac sektora za izdavanje vodnih akata

Haris Ališehović, dipl.ing.građ.

Dostaviti:

- HIFA-PETROL“ d.o.o. Sarajevo, ul. Hotonj bb, 71000 Sarajevo
- AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča